

مصر.. أب يضع لطفلة المبيد الحشري في الحليب ليتخلص منها!



قام أب بجريمة بشعة في مصر من خلال وضعه السم لطفلته في حليب الرضاعة لينهي حياتها.

وروت والدة الطفلة، تفاصيل الواقعة قائلة: "ربنا شاء أني أجيب طفل، ومكنتش متأكدة أني حامل، وأما تأكدت قال لي زوجي نزليه مش عاوز عيال زيادة، قولتله حرام وربنا أراد".

وتابعت: "كشفت بعدها لقيت نفسي في أول الشهر الخامس، وقولت له مش هعرف أنزله قالي لو جبتيه هحصلك مشاكل كتير وهضرك بيه، وفضل ورايا لمدة شهر علشان انزله".

وتابعت: "قالي لما تولدي أنا هبيعه، قولتله هحبسك لو عملت كدا، وقالي مش هصرف على العيل في أي حاجة".

وأكملت: "كان مصمم أنه يبيعهها أما تتولد، راح معايا المستشفى في الولادة، وقال لي أنا مش معايا

فلوس أطلع لها شهادة ميلاد، كان عايزه يبيعها".

وأضافت: "بعد 40 يوما من الولادة نزلت اشتغل، وقولت له البنت أمانة في رقبتك قالي حاضر، وكنت أطلع من البيت 5 الفجر أرجع الساعة 8 بالليل ألقاها نايمة زي ماهي، كان بيديها الرضعة بس، كان بيמותها بالبطيء وكان بيغطيها بالبطانية".

وأضافت: "يوم الخميس كان محضر طبق فول، وكان حاطط لي منوم وأصر أنني أكل معاه علشان ما ألحقش بنتي، وحط لها دواء صراصير في لبن الرضاعة، ودي كانت أول مرة يقولي قومي نامي، روجت في النوم صحيت قبل الفجر بنص ساعة، لقيته نايم جنبها ويشرب سجائر جنبها.. وهي صحيت وأنا نايمة وشربها لبن الرضاعة تاني".

وتابعت: "نزلت لجارتي، طلعت قالت لي البنت ماتت، والمعمل الجنائي قال أنها ماتت بسبب السم"، موضحة: "بعدها قولت له عايزة أروح مستشفى حكومي قالي أنتي عايزه تحبسيني.. وابنتي دخلت مشرحة علشان واحد ميسواش صفر عيل".

واختتمت: "مفيش حد من أهله كلمني، أنا عايزاه يتعدم لأن بنتي بتجيلي كل يوم في المنام تقلي أنا عايزه حقي".